

# QUÆSTIO MEDICA.

Cardinalitiis disputationibus manè discutienda in Scholis Medicorum, die Jovis quintâ Aprilis.

M. PETRO PAULO GUYART, Doctore Medico, Præsede.

*An Coma adscititia, nativâ salubrior?*

**C**UTIS totius corporis involucrum & emunctorium, innumeris pervia spiraculis, & exilibus est, ut quod partibus alendis ineptum, feliciter exigatur, insensibilis fiat transpiratio, sudoribus, vaporibusque deur exitus. Si ex æquo pateant cutis meatus, partes internæ beantur, fuliginibus sese expediunt, & amicum admittunt aërem, quo recreantur; si arcentur nimis, aut fuliginosi illi vapores in viscera resiliunt, morbos gravissimos parituri, aut in cute resident, eam omni sordium genere inquinaturi. Cutis in sui, totiusque corporis perniciem pilos alit, illorum segete obstantur pori; hinc prima malorum labe. Felices Aves & Volucres, quibus statutis anni temporibus plumæ decidunt! Felix Lacertorum, Serpentum, Anguium, ceterorumque Animalium omne genus, quod exuvias semel, aut bis in anno deponit! His exutis novas resumunt vires; Elephas dum dentes, Cervus dum cornua, Pisces dum squammas, Arbores dum folia verè proximo renascitura exuunt, spoliis depositis, fiunt vegetiores. Infelix Homo alit capillitium, ni aut morbo, aut senectâ decidat: melius sibi consuleret, si identidem se fineret abradi!

**P**RÆCIPUA viventis dos, sanitas; hæc stat in legitima partium temperie, conformatione, & debita conjunctione. Conspirent hæc tria amicè, quicquid vivit, pulchre vivet, stabunt inculpatæ totius corporis functiones; sin minus, eas minui, depravari, aut aboleri necessum est; hoc triplex sanitatis fœdus multa solvunt tum interna, tum externa; ast ille amabilis partium consensus præpedita transpiratione maximè dissociatur; quæ denegata omnium ferè morborum parens est, quæ concessa, & morbos antevertit, & vel ipsas malignas febres dijudicat. Eat, redeat sine obice sanguis, excernendis viæ pateant, vigeant cuncta; partes tamen primæ coctioni dicatæ perbellè exigant excrementa, liberæ sint viæ urinariæ, ni pateant cutis spiracula, omnia pessumbebunt: adeo insensibilis transpiratio est necessaria. Hanc quæ juvant, profunt, quæ præpediunt, nocent.

**I**N gratiam naturæ artes inventæ coluntur, si quid natura peccat, ars in subsidium venit; colligatur excrementorum proluvis, quæ se se natura expedire nequeat, ars naturæ obstetricabitur, sordiat externus corporis habitus, artis beneficio fiet nitidior, obstructæ patebunt viæ; hinc termarum, lavacrorum, balnearum apud antiquos frequens usus; pilorum silva iniquè luxuriat caput, hanc malam segetem novacula feliciter demet, liberior fiet transpiratio, nec blattis tineisque erit domus hospita; nec turpi insectorum grege cutis inquinabitur, ab hac tordidissima familia, *ἡλιδεῖν* ope solebant antiqui se vindicare; frequentiori tamèn eorum usu pori fiebant angustiores, libera fiebat transpiratio, sic vitata scilla incidebant in charybdim. Cultri tonsorii præstantior est usus, nulla excipitur noxa, crinibus abrasis rudisque velamine deterfo fuliginibus datur permeare, ne tamèn orbum crinibus caput injuriis pateret externis, quos ars præscindit crines, eos factitia cæsarie summo cum fœnore, summa cum utilitate reponit.

**A**DSCITITII capillitii multæ sunt dotes, ardente Syrio illud ventilationis causa cuilibet licet deponere, & deterfis sudoribus, rursus resumere, quò fit, ut madenti priùs capiti non leve accedat solatium; sicut enim indusia, & lineæ desinente crisi mutantur, & recentia priùs igni exposita substituuntur; sic æstivo tempore dum madore dissuit corpus, linteis detergendum est, præsertimque caput, quod vix fieri potest, si pilorum obstat luxuries; nec minus hyemalitem pore utilis est Coma artefacta; hæc adversus aëris ambientis frigus crinibus nativis valentius est munimentum, posita præsertim intus bubula cucufa, quæ quod per poros exigetur resorbeat, nec sinat acervari; non solum facta manu Coma plurimum sanitati confert, sed formæ decori. Testes sint illi cani amassii, quibus canities tædio est, & qui exoticâ Comâ juvenilem mentiuntur ætatem, quâ turpis tegitur calvitie; sic qui propudiosum crinium colorem detestantur, aut eorum raritatem lugent, arte vitia reparant; aut saltè occultant; ut enim dentium artificialis positio est utilitati & ornameto, sic & Coma artefacta.

**U**T in triclinio fumo referto, ni ostia referentur, aut pateant fenestræ, quæ fuliginosi vapores, in auras diffusi evanescant, adstantium plerique animo deficiunt, sic obstricta cute humorum nebula, & caligines intus coarcentur, bellæque movent non finitura, ni priùs laxatis cutis meatibus, illis deur erumpere; cutis constrictione omne morborum cutaneorum genus emergit, hinc serpigo, impetigo, vitiligo, scabies, tineæ, elephantiasis, quarum malignis ichoribus introactis, partes internæ non leviter afficiuntur; vanum igitur, imo & noxium pilorum omnium, & turpem barbæ apparatus abradat, qui, & sanitati, & munditiei studet innumeris morbis hispida cutis afficitur, quibus nuda exors est; dubitas? Nonnè Remis damnatis capillitium superiori jure abraditur, nè inquinent, aut inquinentur; nonnè pueri qui in nosocomijs educantur, sunt scincipite raso? Nonnè etiàm plurimum ordinum religiosissimi viri, crinium nativorum supellectili, aut tanquam inutili, aut tanquam nocitura vale dixerunt, quibuscum, nos quoque vale dicimus.

*Ergo adscititia Coma, nativâ salubrior.*



Afferebat Parisiis ALEXANDER-PETRUS MATTOT, Parisinus, Baccalaureus Medicus. A. R. S. H. 1691.